


Bibilia cuna Anapiana Anhacupangisa

Pascwa
yacutoma



Anhaculemba: Edward Hughes

Anhacupangisa: Janie Forest
Alastair Paterson

Anhacusangula: Lyn Doerksen

Anhcuchinja Mulongero: Sarifo Buramo Cheia

Anhacuphica: Bible for Children
www.M1914.org


©2020 Bible for Children, Inc.

Lemba apa mulankhulu udhaphatisewe
basa pacuchinja chithancano ichi.



Ncazi alimira pazulu
panthunda pale, na
maso ache acusucwala
mbaona piacuipa
piculu picachitica.
Mwana wache acafa.
Mai uyu acali Malia,
iye alimira paduzi
na mbuto ire
pacakhomerwa
Yesu pantanda.





Piachiticambo tani
piansene ipi? Tangwi
yanji upenu wadhidhi wa
Yesu wafica cumapeto na
njira yacuipa
tenepa?

Tangwi yanji
Mulungu aleca
Mwana wache

mbakhomerwa pantanda
mbafa pepale? Pinalonga
cuti Yesu adhodhomeca
pacucumbukira cuti iye
acali ani? Codhi
Mulungu aluza?





Nkhaberetu! Mulungu adhaluza tayu. Yesu adhadhodhomeca tayu. Yesu acapiziwa nacalene cuti Iye anazaperecwa cuti afe na anthu acuipa. Cubhulukira uwanache Yesu, nkhalamba anachemerwa Simiau acadhampanga Malia cuti cusucwala cuagona cusogolo cwaco.



Nsicu
zacuchepa
Yesu mbasati
aphiwa tayu,
ncazi mbhozi
abwera mbazoza
mendo yache
namafuta adhidhi
cacamwe. "ncazi ali
cuvunga cobhiri,"
atoweri ya Yesu
acadhungunha. "Ncazi achita
bhasa yadhidhi," Yesu alonga.
"Iye achita ipi cuna cuikhwa
cwanga." Mafala anji matswa!



Pacumala cwa ipi, Judha,
mphozi wa atewerer
aYesu, averana na
ansembe cuti agulise
Yesu na macobhiri
macumi matatu.






Pa phwando yacuwambuca ya Majudha, Yesu akhala nacusiali cwacumalisa na atewerereriache.

Iye aapanga atewerereriache pintu piculu maningi pia cuziwa Mulungu na chipikirwa chache cuna ale asanfuna.

Natenepa Yesu aapasa ncati na ndico cuti agawane. Acu cucali cwaanherezeresa cuti manungu aYesu na chiropo chache chaperecwa cuti chilekerere madawo.



Bhuluca pepale Yesu alonga cuna achamwali ache
cuti Iye anapandukirwa, atewerereri ananthawa.
"Ine nkhabhe thawa," Peduru ampocanha. "Zongue
mbisati yalira tayu, iye unadikhonda catatu," Yesu
alonga.





Masicu ansicu
inere, Yesu ayenda
canamata muMunda
wa Getsimani.
Atewerereri ache
acakhala na Iye
agona chitulo.
“Ooh Babha Wanga,”
Yesu aphembera,
“... Chita cuti ndico
ichi indipitirire.
Mbipisachitike tayu
cufuna Cwanga,
mbwenhe cufuna
Cwanu Bhabha.”



Chipolipocho, ncumbi wafica mbupita muMunda,
mbuperekezwa na Judha. Yesu adhamenhana
nawo tayu, mbwenhe Peduru agwanda khutu
yamamuna mbhozi. Nacumatama,
Yesu aphata khutu yamamuna
ule mbaiwangisa. Yesu
apiziwa cuti cumangwa
cwache ndi cufuna
cwa Mulungu.



Ncumbi uchu wacwata Yesu cwenda naye cunhumba
yanhansembe. Cwecule, aculu amaJudha alonga cuti

Yesu asafunica cuti afe.


Peduru alimira paduzi
na moto wa nhacapolo
mbaona piansene
picachitica.



Catatu cansene anthu akhalambo na Peduru
mbalonga, "Iwe ucakhala na Yesu!" Catatu cansene
Peduru akhonda, ninga
picadhalonga Yesu
cuti pinazachiticadhi.
Peduru acakhonda
mbapocanha.




COCOLICOO...O...O...!



Bhuluca pepo,
ndzongwe yalira. Cuna
Peduru piakhala ninga ndi
fala yaMulungu muntima
mwache. Mbanherezera
mafala aYesu, Peduru
alira nacuvacupha
muntima mwache.





Judha avambo cudhawa muntima
mwache. Iye azindikira cuti
Yesu acadhadhawa tayu,
acakhala namadhawo tayu ne
cupha munthu. Judha acwata
cobhiri cuenda caibhweza,
mbwenhe anhansembe
akhonda
cuitambira.





Judha acwata cobhiri
mbaiponha pansi,
mbabhuluca cunja
mbaenda camangica
nankhambala akhene.





A cartoon-style illustration of Jesus Christ on the cross. He has a brown complexion and is wearing a purple tunic with yellow trim and a white loincloth. His arms are raised in a crucifixion pose. The background is light blue.

Anhansembe abweresa Yesu
pamaso pa Pilatu, ntongi wa
cuRoma. Pilatu alonga, "Ine
sidhaona cuipa tayu muna
mamuna uyu."

Mbwenhe mbumba
yapitirira mbikhuwa,
"Nkholdereni!
Nkholdereni!"



Natenepa Pilatu avera mbumba,
atonga cuti Yesu afe pantanda.
Anhakhondo amenha Yesu,
amphulira mata cunkhope,
mbamenha puradha cunkhope.
Asasanha nkhata yaminga
yaculapha mbanfekenza munsolo
mwache. Bhuluca pepo awene
ankhomera pantanda
cuti afe.



Yesu acapiziwa cale cuti anazafa tenepo. Iye acapiziwambo cuti cufa cwache mbucudhabweresa culekelerwa cuna adhawi anakhululupirira

Iye. Anhamalwa awiri akhomerwambo pabhozi na Iye (mbhozi cuncono wamadyo, unango cuncono wazwere). Nhamalwa mbhozi akhululupirira Yesu pantanda - natenepa ayenda Cuzulu. Unango adhayenda tayu.





Padhamala nthawi zingasi
zacuthabhuca, Yesu alonga,
"Piacwanisica," bhuka
pepo mbafa. Bhasa
yache yafica
cunkhomo.

Achamwali ache
ayenda camuikha
munthumbi
yacusiana na
nthumbimbo
zinango.



Anhankhondo awaRoma
atumwa cuenda
calindira nthumbi ya
Yesu. Pacalipo tayu
njira cana mpata
wacuennda peno
nacubhuluca
cunthumbi
cule.



Mbipidhakhala cuti pionsene
piadoroma tenepa, cusucwala
cuculu mbucudhakhhalapo
cuna anthu onse.

Mbwenhe Mulungu
achita chinthus
chinango chiculu
cacamwe.



Yesu adhakhala
wacufa tayu!



Dzwo namachibhesiene apansicu
yacutoma yasumana, atewereri
anango aYesu adhagumana
mwala wapansuwo
yanthumbi
wagwinhiwa
pakhundu.
Padhaponhewo
maso ncati mule,



awona cuti Yesu
akhalimovi tayu.



Ncazi mbhozi asalira pepo mbalira
piache paduzi na nthumbi. Yesu
abhulukira cuna iye! Ncazi
athamanga nacucomerwa
cwenda cavunza atowereri
anango. **"YESU ALIMASO!
YESU ALAMUCA MULI
WACUFA!"**



Nacuchingiza Yesu abwera cuna
atewerereri ache, mbaapangiza madhazwi
acukhomerwa cudhachitwa Iye. Picali ndipiodhi.
YESU ACALIMASO PINA! Iye alekerera Peduru
nacukhonda Yesu cudha chita iye, Iye
avunza atewerereri ache cuti alonge culi
anthu ansene tangwi ya Iye.
Bhuluca pepo abwerera cuenda cuzulu
cudhabhuluca Iye panatari ire.



Pascwa yacutoma

Chithancano chafala yaMulungu, Bibilia,

Chisaonecwa mu

Mateyu 26-28, Luka 22-24,
Juwau 13-21

"Mapitiro aMafala Anu asapasa chieza."
Salmu 119:130





CUNKHOMO



Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipa, pire pinachemera Iye picadho. Mbairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene basi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipa piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufera piacuipa pianga, chinchino imwe muli maso pina. Ndapota, bwerani, mupite muntima mwanga, ndilekerereni madhawo anga, cuti ndikhale na upenuh utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16

